

ՀԱՄԱՐՈՒՑ ԳԻՏԱԿԱՆ, ՀԱՂՈՐԴՈՒՄՆԵՐ

Ս. Մ. ՍԱՐԴՈՅԱՆ

ԲՈԺՈԺԻ ԱՐՏԱԴՐՈՒԹՅՈՒՆՆ ԱՎԵԼԱՑՆԵԼՈՒ ՈՒՂԻՆԵՐԸ
ՎԵՑԵՐՈՐԴ ԶՆԳԱՄՅԱԿՈՒՄ

Սովետական Միության Կոմունիստական պարտիայի 20-րդ համագումարը քննարկել և հաստատել է մեր երկրի ժողովրդական տնտեսության զարգացման վեցերորդ հնգամյա պլանը: Նախատեսվում է զգալի չափերով ավելացնել արդյունաբերական արտադրանքը, ինչպես նաև գյուղատնտեսական մթերքների արտադրությունը: Կրարձրանա սովետական ժողովրդի կուլտուրական սրասարկումը, կապելանան աշխատավորության նյութական միջոցները: Այդ բոլորի հետ միասին, բնականաբար կրարձրանա բնակչության սրահանջմունքը, մետաքսյա շքեղ, հիգիենիկ և դիմացկուն հագուստեղենի, ինչպես և մետաքսյա այլ իրերի նկատմամբ: Կապելանա նույնպես մետաքս օգտագործող արդյունաբերության ճյուղերի պահանջը այդ արժեքավոր հումքի նկատմամբ:

Բնական մետաքսի նկատմամբ բնակչության ու մետաքս սպառող արդյունաբերության սրահանջը լրիվ բավարարելու նպատակով, վեցերորդ հնգամյա պլանով նախատեսվում է զգալիորեն ավելացնել բոժոժի արտադրությունը:


Մասնավորապես, մեր ռեսպուբլիկայի շերամապահների առջև խնդիր է դրված հետագա հինգ տարիների ընթացքում բոժոժի արտադրությունն ավելացնել 1.8 անգամ:

Այժմ, գիմավորելով հնգամյակի առաջին տարվա շերամապահական սեզոնը, անհրաժեշտ է երևան բերել ունեցած հնարավորությունները և մշակել դրված խնդրի հաջող ու արագ լուծման ուղիները:

Այդ կապակցությամբ ավելորդ չէր լինի ծանոթանալ ռեսպուբլիկայի շերամապահության վիճակին վերջին տարիներում, նպատակ ունենալով երևան բերել նրա դրական կողմերն ու թերությունները:

Վերջին տարիների ընթացքում ռեսպուբլիկայում նկատվել է շերամի որդակերակրումների ծավալի որոշ ընդլայնում: Հայտնի է, որ արտադրությունից ծավալի ընդլայնումը արտադրանքի ավելացման ուղիներից մեկն է: Սակայն անցած տարիների արդյունքների ամփոփումը ցույց է տալիս, որ շերամապահության բնագավառում արտադրության ծավալի ընդլայնումը չի գուդակցվել արտադրանքի ավելացման հետ:

Ինչպես պարզ երևում է բերված կորագծից, եթե շերամապահության 1950 թվականի հիմնական ցուցանիշների (արտադրության ծավալն ու մեկ միավորից ստացվող բերքը) համարենք 100%-ով, ապա հետագա 6 տարում արտադրության ծավալն ընդլայնվել է որոշ տարիներ մինչև 23%-ով, իսկ 1955 թվականին՝ 120%-ով: Իրա հետ միասին, ինչպես այդ երևում է կորագծից, կերակրվող որդերի մեկ միավորից ստացվող բերքը համապատասխանորեն իջել է որոշ տարիներ 19%-ով, իսկ 1955 թվականին՝ 120%-ով:



Կորագիր 1.

Շերամապահության այդպիսի կազմակերպման հետևանքով բոժոժի արտադրությունը վերջին 6 տարվա ընթացքում ոչ միայն չի ավելացել, այլև հետզհետե նվազել է, որի հետևանքով 1955 թվականին ուսպուրիկայում արտադրվել է ավելի քիչ բոժոժ, քան 1950 թվականին:

Եթե նկատի ունենանք, որ վերջին տարիներում այդ բնագավառի աշխատատար պրոցեսներում, թթագործության և որդակերակրումների դործում էական փոփոխություններ չեն կատարվել արտադրական պրոցեսների մեքենայացման ուղղությամբ, այդ նշանակում է, որ մեր ուսպուրիկայում վերջին 6 տարում համապատասխանորեն իջել է որդակերակրումների մթերատվությունը և աշխատանքի արտադրողականությունը: Ընդհանուր պարտիան ու կառավարությունը, պլանավորելով գյուղատնտեսության այս կամ այն բնագավառի արտադրանքի բարձրացումը, միաժամանակ նշում են, որ այդ խնդրի իրագործումը պետք է ընթանա թե՛ արտադրության ընդլայնման և թե՛ արտադրողականության բարձրացման ուղղությամբ:

Այս բոլորից հետո տեղին կլինեք հարցնել՝ միտք կա՞ արդյոք ընկնել որդակերակրումների ընդլայնման խաբուսիկ հաջողության հետևից, զոհաբերելով էականը՝ արտադրանքի մակարդակի ու աշխատանքի արտադրողականության բարձրացումը:

Սակայն սխալ կլինեք մտածել, որ անցյալ տարիների փորձի վերլուծումը հիմք է ծառայում բոժոժի արտադրության ավելացման խնդրի լուծումը լիովին անջատելու որդակերակրումների ծավալի ընդլայնման անհրաժեշտությունից:

Մեր գիտելիքներն ու շերամի բուծման մեթոդները սեպ հնարավորություն են ընձեռում առանց որդակերակրումների ծավալի ընդլայնման, որդակերակրումների բերքատվությունը բարձրացնելու միջոցով զգալիորեն ավելացնելու բոժոժի արտադրությունը:

Օրինակ, հայտնի է, որ ռեսպուբլիկայի այն շրջաններում, որտեղ տարվում են ցեղացու կերակրումներ, բոժոժի բերքը մեկ տուփից հասնում է 70 և ավելի կգ-ի: Եթե ռեսպուբլիկայում տարվող կերակրումների բերքատվությունը բարձրացնենք և հասցնենք այն շրջանների ցեղացու կերակրումների մակարդակին, որը պետք է ասել, դեռևս ամենաբարձրը չէ, ապա բոժոժի ընդհանուր արտադրանքը ռեսպուբլիկայում կավելանա մոտ 40⁰/₀-ով:

Պետք է ուղղակի ասել, որ մեր ռեսպուբլիկայում բոժոժի արտադրություն ավելացման ուսուցանող մեկը հենց որդակերակրումների բերքատվության բարձրացումն է:

Հայաստանը շերամապահական հնագույն երկիր է: Մեր շերամապահները, հիմնականում, տիրապետում են որդակերակրումների տեխնիկային: Նրանցից շատերը ռեկորդային հաջողություններ են ձեռք բերել բոժոժի բերք ստանալու գործում, որի համար արժանացել են Սոցիալիստական Աշխատանքի Հերոսի կոչման և պարգևատրվել են շքանշաններով: Մակայն ինչն է խանդարում բոժոժի բերքի բարձրացմանը:

Մեր տրամադրության տակ եղած տվյալների վերլուծումը ցույց է տալիս, որ շերամապահական հիմնական շրջաններում որդակերակրումների բերքատվության բարձրացումը սերտորեն կապված է որդակերակրումների ծավալի ու կերի բաղադրյալ անհամապատասխանության հետ:

Մեր այդ եզրակացությունը հիմնավորելու նպատակով ծանոթանանք ռեսպուբլիկայի շերամապահական 3 հիմնական շրջանների (Մեղրու, Ղափանի և Արտաշատի) որդակերակրումների ցուցանիշներն՝ վերջին 6 տարվա օրինակի վրա:

Շրջանի անունը	Ցուցանիշները	Տարեթվեր					
		1950	1951	1952	1953	1954	1955
Մեղրի	կերակրումների ծավալը	525	545	524	600	611	620
	բերքատվությունը	71,7	71,7	75,9	71,4	74,2	75,6
Ղափան	կերակրումների ծավալը	560	565	550	556,5	565	532
	բերքատվությունը	46,3	44,2	41	38,2	42,2	41,1
Արտաշատ	կերակրումների ծավալը	320	339,5	454	450	490	423
	բերքատվությունը	55,2	49,6	43,4	36,4	31	34,4

Ինչպես պարզ երևում է աղյուսակում բերված տվյալներից, Մեղրու շրջանը 6 տարվա ընթացքում ոչ միայն ընդլայնել է որդակերակրումների ծավալը, այլև բարձրացրել է կերակրումների բերքատվությունը: Պետք է խոստովանել, որ դա գովելի աշխատանքի արդյունք է:

Ղափանի շերամապահները փոքրացրել են և արտադրության ծավալը, և՛ կերակրումների բերքատվությունը, իսկ Արտաշատի շրջանում տարեցտարի ընդլայնվել է արտադրության ծավալը և կատաստրոֆիկ կերպով իջել է բերքատվությունը:

Մենք չենք կարող շերամապահության ցուցանիշների իջեցման հիմնական պատճառը որոնել ագրո-գոտկանոնների ճիշտ չկատարելու մեջ, քանի որ 6 տարվա կերակրումների փորձը պետք է որ շերամապահներին սովորեցներ ավելի լավ կերակրել:

Այդ աշխատանքները կազմակերպելու և իրագործելու համար ռեսուրսը լիկալում արդեն ստեղծված են թթենի ու բարձրարեք սորտերի ագրյուրներ, որոնք լիովին կարող են բավարարել դոյություն ունեցող թթենիների սրակական բարելավման պահանջը:

2. Այժմ շահագործվող և աճեցվող սորտային թթենիներն անհրաժեշտ է վերաձևավորել, նրանց սաղարթները դարձնելով բազմարոտենցք:

Հայտնի է, որ որդակերակրումների համար օգտագործվող թթենիների մեծ մասը ճիշտ չի ձևավորված, դեռևս անբավարար է նրանց շահագործման վիճակը: Մինչդեռ ապացուցված է, որ թթենիների ճիշտ ձևավորումը, մասնավորապես բազմարոտենցք բույսերի ստեղծումը, ավելի քան կիսով չափ կարող է բարձրացնել տերևատվությունը:

3. Անհրաժեշտ է բարելավել թթաստանների ու հատատունկ թթենիների մշակությունը: Թթաստանների ու հատատունկ թթենիների բնամերձ տարածության հողի փիրեցումը, ժամանակին ջրելը և պարարտացնելը կարող են կրկնապատկել բույսի տերևատվությունը և որ ամենագլխավորն է, զգալիորեն բարձրացնել տերևի կերային արժեքը:

4. Վերջապես, կարևոր նշանակություն է ձեռք բերում որդակերակրումների ժամանակ տերևի ռադիոնալ ու տնտեսարար օգտագործումը:

Բազմաթիվ դիտողությունները ցույց են տվել, որ շատ տեղերում դեռևս ճիշտ չեն օգտագործվում եղած կերային նյութավորությունները: Վաղ գարնանը, որդերի մատղաշ հասակներին կերակրելու ժամանակ պետք է ձգտել առաջին հերթին լրիվ օգտագործել հատատունկ, ճանապարհների եզրերին կամ մշակությունից դուրս մնացած վայրի թթենիների տերևները: Հայտնի է, որ այդպիսի բույսերի տերևները շուտ են կորցնում իրենց կերային արժեքը և եթե կերակրումների սկզբում նրանք չեն շահագործվում, ապա տվյալ սեզոնում անօգտագործելի են դառնում որդակերակրումների համար:

Շատերը մտածում են, թե որդի մատղաշ հասակներում տերևի չնչին քանակություն է օգտագործվում և իբրև այդ ժամանակ տերևի շռայլումը չի կարող զգալիորեն անդրադառնալ կերի ընդհանուր բալանսի վրա: Մինչդեռ այդ կարծիքը հիմնովին սխալ է: Որդի մատղաշ հասակների ժամանակ տնտեսված տերևը որդի դարգացման վերջին պահին աճած է լինում մոտ 50 անգամ և կարող է զգալի չափով լրացնել կերի պահանջը որդերի դարգացման վերջին վճռական շրջանում:

Փորձնական տվյալները թույլ են տալիս ասելու, որ որդի մատղաշ հասակների ժամանակ տնտեսված յուրաքանչյուր 1 կգ սորտային տերևը, որդերի դարգացման վերջին հասակներում տերևի պահանջը լրացնելու նպատակով օգտագործելու դեպքում, մոտ 4 կգ-ով կարող է ավելացնել բոժոժի բերքը:

Կարևոր նշանակություն ունի տերևի մթերումն ու թարմ վիճակում նրա պահպանումը, որի խախտումը հաճախ տերևի զգալի կորուստի պատճառ է լինում:

Շերամապահության բերքատվության բարձրացման մյուս կարևոր խնդիրը՝ դա որդակերակրումների տեխնիկայի կատարելագործումն է ու կերակրվող նյութի ցնդայնության բարձրացումը:

Մինչև վերջին տարիները ռեպուբլիկայում կերակրվող շերամի ցեղերը ու նրանց հիքրիզները (բաղդադ, ասկոլի) այժմ պետք է լրիվ փոխարինվեն նոր սպիտակաթևի ցեղերով, որոնց բերքատվությունը մոտ մի քառորդով գերազանցում է անցյալում բուծված ցեղերի բերքատվությանից։ Եթե մեկ կգ մետաքսահումք ստանալու համար ծախսվում էր 11 կգ բաղդադի կամ ասկոլու բոժոժի բերք (կենդանի բոժոժի հաշվով), ապա այդքան մետաքսաթևի ստանալու համար ծախսվում է միայն 8 կգ սպիտակաթևի ցեղերի բոժոժ։ Այստեղից հասկանելի է, որ բոժոժի արտադրությունն ունի պայմաններում, սպիտակաթևի ցեղերի բուծումից մոտ 25—30%-ով ավելի մետաքսահումք է ստացվում։

Վերջապես, որդակերակրումների արտադրական պրոցեսի կրճատման, կերակրումները կլիմայական անբարենպաստ պայմանների փրկելու և բանվորական ուժի ծախսի տնտեսման հարցերի հաջող լուծմանը կարելի է հասնել արտադրության մեջ որդակերակրումների արագընթաց մեթոդի լայն արմատավորման շնորհիվ։

Այդ մեթոդով կերակրելու դեպքում որդակերակրումներն ավարտվում են 10—15 օր ավելի շուտ, իսկ բոժոժի բերքը, ինչպես այդ ցույց են տալիս մեր ռեպուբլիկայում և այլ շերամապահական վայրերում տարված արտադրական փորձերը, ոչ միայն չի իջնում, այլև բարձրանում է։

Շերամապահության քնադավառում եղած վերոհիշյալ ուսյ հնարավորությունների օգտագործումը հնարավորություն կտա ոչ միայն կատարել, այլև գերակատարել բոժոժի նախատեսված պլանը մեր ռեպուբլիկայում։

Շերամապահական շրջաններում ու կոլտնտեսություններում այդ հնարավորությունների հայտնաբերումն ու լիարժեք օգտագործումը պետք է դառնա ռեպուբլիկայի Դյուդատնտեսության մինիստրության համապատասխան օրգանների ու գիտական հիմնարկությունների գործունեության առանցքը բոժոժի արտադրության հնգամյա պլանի կատարման հարցում։